

嘉泰吳興志

吳興志序

唐人權載之序正元十道錄謂言地理者獨魏
陰許其經濟遠大之業及觀魏公所論六典地域之差次
四方貢賦之名物與夫州郡廢置山川險阻無一不備
然後知載之不忘許可今州縣之編雖與並載寰宇者
不類條目纖悉亦豈易爲苟非其人則詳略勿當是非
雜糅何以信後吳興東南最盛處於今爲股肱郡山水
清遠人物賢貴宜有大手筆以志其實左文質統記或
謂失之猥并李宗諤所上圖經□於此者又未免簡脫
之病顧方欲請於郡一日太守李公郎中偶自言及是
且謂郡有博物君子談君監簿慨然以此自任今書成

以鉅木之資屬歸安周令未幾李公詔還富公寺正來繼又捐金以竟之甚盛事也兆於談君乃同年進士喜是編出其手因從周令假觀始知郎中除日已屬意乎此大概本舊志參正史補遺糾誤無一不滿人意列二十卷卷各有目數千百年閒事了然不疑三輔黃圖殆不是過蓋嘗謂人之筆力根於天性充於學問猶運舟挽鈞力有分量弗可勉強紹興以來亦有好事者續圖經續編志非不盡力如震州荻塘之辨卒亦聽譌而止吁談君誠良史才奚可多得曾將推平素學識華夷編經理中原如指諸掌兆淺學寡聞非敢自齒於權載之列談君事業當超出乎唐魏公之上於以見是編更數

君子而後定歷二賢守而後傳是豈無待而然哉嘉泰
改元臘月郡丞廣信傅兆敬序

吳興志卷一

吳興先哲遺書

朱談鑰撰

建置沿革

湖州

上湖州吳興郡昭慶軍節度治烏程歸安二縣

見熙寧九域志

實禹貢周職方揚州之域

尚書禹貢震澤吳南太湖名周官

職方氏揚州其數澤具區其浸五

防風氏國在焉

國語

湖鄭氏注曰具區五湖在吳南

後屬

氏之君守封隅之山注封隅山在吳郡永安縣史

句吳史記吳世家太伯奔荆蠻自號句吳皇覽曰太伯

塚在梅里聚左傳襄公三年楚子重伐吳至衡山

杜預注曰衡山在

吳亡入越越滅入楚

史記越世家楚威王殺越王無

疆盡取故吳口地至剡江徐

秦并諸國罷封建為郡縣

嘉業堂校刊

及定荆并越置會稽郡又以其地置縣曰烏程隸會稽

曰故鄣隸鄣郡

史記秦始皇二十五年定荆江南降越君置會稽郡二十六年李斯議曰今海

內一統皆為郡縣置諸侯不便始

杜佑謂鄣吳興郡之

西境會稽吳興郡之東境是也漢高祖平秦取楚六年

統建荆國十二年更名吳

漢書高祖六年正月以故東陽郡吳郡鄣郡立劉賈為荆

王注吳郡本會稽也十一年賈為英布所殺十二年以三郡立海為吳王景帝三年漢書反誅國除

四年以屬江都國廢隸郡仍秦

漢書江都易王非景帝前一年立為汝南王擊

吳吳破徙王江都治故吳國元符二年子建謀反自殺國除傳云地入漢為廣陵郡非也廣陵止得江都等四

縣元封二年更鄣郡曰丹楊

見漢志後漢作陽晉志作楊以山多赤柳也永

建元年分會稽浙江以西為吳郡

後漢志三國分漢孫氏

霸有江南皓侯烏程入嗣吳統

吳主皓以永興元年十月封為烏程侯寶

鼎元年適明陵有寇皓以吳郡之永安餘杭臨水陽羨

丹陽之故鄣安吉原鄉於潛漢書作替諸縣之水悉注烏程

乃合九縣為郡而以烏程為治所名曰吳興鎮山越藩

陵邑且志所自起也吳志皓即陸遜父和文皇帝改葬明陵吳興統記云明陵在州西一

里吳志寶鼎元年十月永安山賊施但等聚眾數千人劫皓庶弟謙出烏程取孫和陵上鼓吹曲蓋丁固等討

敗之分吳丹楊為吳興郡詔曰古者分土建國因事制宜今吳郡陽羨永安餘杭臨水及丹陽故鄣安吉原鄉

於潛諸縣地勢水流之便悉注烏程既宜立郡以鎮山越且以藩衛明陵奉承大祭其亟分此九縣為吳興郡

治烏程南史沈約傳云寶鼎二年誤也又按漢志及通典烏程陽羨故鄣於潛本秦舊縣永安漢初平中分烏

程置臨水吳時分餘杭置晉武帝更名吳興之郡昉於臨安吉原鄉漢中平年分故鄣置

此矣晉太康元年平吳三年析烏程西鄉為長城東鄉

為東遷見輿地志按晉志吳興郡統縣十有東遷長城無陽羨舊圖經云晉平吳加領東遷長城二縣

又改永安為武康

見舊唐志沈約云太康三年

永興元年割陽羨及

長城之北鄉為義興郡

晉志

宋復分故鄣置級安縣

舊唐志

安唐改為齊因之梁置震州

舊圖經統志皆曰梁改為震州

陳後為吳興郡紹興中續圖經辨之曰自秦置郡至陳

未嘗改革隋為震州刺史吳興太守遂後以郡兵拒陳文

杜龕傳龕為震州刺史吳興太守始吳興非改郡也其說

市軍是梁分浙西數郡為震州中已分十三州置刺史至梁

亦未審自秦置郡漢元封中已分十三縣千二百後又

天監十年有州二十三郡三百五十五縣千二百後又

恢拓土宇以舊州郡改郡非也隋志考之自梁以來

郡縣亦稱此謂隋始改郡非也隋志考之自梁以來

往往以郡為州以縣為郡又別置諸縣紛紛不一如

安郡置豫州而屬縣宿松為商堪郡懷寧為晉熙郡望

江後為大雷郡同安為縱夏侯諸州郡所置大率如此

故自欽天監官多兼領如火領廣為司州刺史領安陸

太守馬道根為豫州刺史領汝陰太守據隋志安陸郡

梁置南司州安陸縣舊置安陸郡廬江郡梁置南豫州

合肥梁置汝陰郡即此可見蓋當時以吳興郡為震州

而烏程為吳興郡初未嘗廢郡名也舊唐志曰梁置震

州取震澤為名是矣又統記云梁敬帝置震州陳高祖廢按敬帝在位纔三年而陳高祖得之故震州自杜龕

外不陳廢州名隋開皇三年罷天下諸郡九年平陳大加併省乃以餘杭臨安晉改臨水曰臨安於潛又併武康隸杭

州併故鄣安吉原鄉入綏安隸宣州以東遷長城復入

烏程隸蘇州而郡廢隋志平陳後吳興郡廢并東遷入焉又廢長城武康又併故鄣安吉

原鄉入綏仁壽二年置武康割烏程又分長城為湖州

安屬宣州隋志仁壽中置湖州又武取太湖為名也湖州之名昉

康長城并仁壽二年後置

乎此舊唐書郡國志五大業二年州復廢三縣仍屬蘇

杭通典云煬帝初廢湖州其地入餘姚入吳郡唐高祖取隋武德四年復置

湖州領烏程一縣僅存州名而已又以豪傑來歸權創

州縣就拜守宰以寵之而武康長城安吉皆自為州唐志

湖州武德四年置又是年長城置雒州安吉置桃州武
康仍為武州湖州領烏程一縣六年復沒于輔公祏七
年平賊復置統記云大業末沈法興值隋亂引兵守江
上於舊州立吳興郡唐武德三年為李子通所陷四年
杜伏威平之復置湖州六年又為輔公祏所陷七年季
孝恭為刺史復置州參考諸傳沈法興大業初為吳興
太守復為李子通所敗自後別無更置又唐七年太宗
會要云湖州開元七年置及置烏程縣誤也

卽位州縣權置者併省略盡始以武康長城來屬又併

安吉原鄉入長城

唐志武德七年廢武州以武康來屬又省雒州及原鄉併入長城來屬又

廢桃州以安吉入長城

麟德元年復置安吉天授二年析武康東

鄉置武源定為五縣天寶元年又改州為吳興郡武源

再改為德清

唐志武源景雲二年改臨溪天寶元年又改為德清縣

乾元元年復

州名

舊志

乾寧二年以錢鏐為鎮海鎮東軍節度使兼領

二浙三年賜軍號忠國升節度鎮使以授刺史李師悅

唐方鎮表文德元年置忠國軍節度使治湖州續圖經云據師悅神道碑以為丙辰年當乾寧三年按統記李師悅光啟元年授大德元年加忠國軍節度使表誤福州於二年加防禦使乾寧三年加忠國軍節度使表誤是始為節鎮梁開平元年封鏐為吳越王四年鏐始以錢鏐為刺史五代史吳越世家乾寧二年鏐為鎮海鎮唐刺史題名云乾寧四年為眾所逐鏐至州安撫以錢鏐為刺史其子禮襲七年為眾所逐鏐至州安撫以錢鏐為刺史見是鏐雖在乾寧中領二浙其刺史尚是唐置至高禮梁太祖改元開平是時後唐李克用存勛仍唐年號稱天祐至十九年題名蓋仍唐年號稱天祐七年即梁開平四年也梁太祖即位封錢鏐為後割武康隸杭州吳越王鏐受其封合用梁開平號五代史職方攷武康故改長城為長興國軍為宣德以錢鏐為節度使宋混一區

字僭偽畢臣太平興國三年吳越王錢俶納土四年復

以武康來屬七年析烏程置歸安景祐元年二月宣德

軍改爲昭慶軍舊編載景祐元年京城昭慶門災上問

其名遂以宣德名門昭慶名軍按續通鑑長編明道元

年六月壬戌大內火延燔崇德長春等入殿癸亥移御

延福宮十一月甲戌修內成大赦改元二年十一月甲

寅改正陽門曰宣德明年爲景祐元年二月改宣德軍

爲昭慶軍事不相屬又按大內南三門中曰宣德東西

門曰左右長慶宣德門本梁建國門興國七年改丹鳳

門祥符八年改正陽門景祐初改宣德是正陽門改宣

德謂兩易其名非也但修內之後延燔入殿名悉更改

次年又改端明殿曰延和改繼昭堂曰繼聖恐是火災

之後以湖郡多水用其軍額爲門名以厭火祥既爲門

名軍額慮更改軍於是始名昭慶自秦始皇二十五年

未可知也後考

歲在初置郡縣越四百八十八年爲吳寶鼎元年

歲在己卯

始爲吳興郡又三百二十六年爲隋仁壽六年

歲在壬戌始

爲湖州又二百四十九年爲唐乾寧三年歲在乙卯始爲節

鎮繇寶鼎元年至慶元六年歲在庚申凡九百三十五年一

爲震州再爲吳興郡三爲湖州節鎮之名亦三易州郡

所隸晉分天下爲十九部隸揚州晉志隋初隸揚州行

臺大業末隸徐州總管見統記唐分道置使屬江南東道唐志

太宗元年分天下爲十道入日江南開元二今爲縣六

十一年置十五道采訪使江南分東西道

屬兩浙西路云吳初置郡領縣九烏程永安餘杭臨水

陽羨故鄣安吉原鄉於潛晉析烏程置長城東遷爲縣

十一後以陽羨置義興郡爲縣十宋以故鄣屬丹陽歷

齊梁陳仍九縣隋平陳郡廢縣或併省各他屬詳見勘置沿革

下仁壽二年以武康

晉改永安

烏程長城三縣置湖州未幾

復廢唐武德四年復置湖州止領烏程一縣七年始以

武康長城來屬又併安吉原鄉入長城麟德中復置安

吉天授中析武康置武源

天寶中更名德清

終唐之世凡五縣

梁開平中割武康屬杭州又損其一宋太平興國四年

復武康七年析烏程置歸安今爲縣六望烏程望

歸安望安吉望長興上武康緊德清廢縣

四菰城郡國志云春申君立菰城縣在郡南二十五里

秦改爲烏程至今有城因山每歲爲牧馬所東遷在烏

程縣東四十里輿地志云晉太康元年分烏程東鄉置

隋平陳併入烏程原鄉漢中平年分故鄣置武德七年

并入長城吳興太平興國七年轉運使高冕奏云古吳

興郡倚郭管吳興烏程兩縣今為歸安舊圖經統記並云高冕所奏未知何從得之據唐書沈伯宜傳云湖州吳興人伯儀仕武后朝則是時有吳興縣但史失書廢置年月所由自耳縣舊隸本州今隸別州者五 於潛 餘姚 臨水 即臨 右三縣隋析置杭州屬臨安府陽羨晉置義興郡今屬常州故鄣晉以屬丹陽今屬廣德軍

烏程縣

望烏程縣見九域志唐縣分七等赤畿望緊上中下烏程舊為緊大歷十二年始升望見顏真卿石柱記據唐會要烏程大歷十二年二月二十一日升望本縣有升望記大歷中尉陳萇撰又據武德令五千戶以上為上縣開元十八年增千戶其畿赤望緊不限戶數並為上縣宋建隆九年十月詔應天下縣除畿赤外四千戶以上為望三代揚州之域戰國屬楚時已為縣曰菰城即春申君黃歇封邑也郡國志云春申君立菰城縣在郡南二十五里秦改為烏程左

傳宣公十一年楚子縣陳注城面谿澤菰草彌望故名

滅陳為楚縣也楚已有縣矣秦既併楚改曰烏程屬會稽郡以烏巾程林二氏所居

也古者因生賜姓後之郡縣乃多因姓而命名二姓以

善釀雄其鄉音又相協秦尙富強一時更革至今仍其

名也舊圖經載越絕書外傳云始皇至會稽徙大越之人於烏程郡國志云云古烏氏程氏居此能釀酒因

以為名統記載顧長生三吳土地記云縣有烏林氏秦

時程林烏巾二家能釀美酒始皇二十六年改菰城縣

為烏程縣屬會稽郡縣有烏亭即古之烏禾鄉烏氏所

居鄉也漢梁孝王兔園會招文士鄒枚司馬賦烏鄉酒

張景陽七命曰酒則荆南烏程是也又秦尙富強如烏

氏歲以牧畜致富始皇令比封君與朝請巴寡婦清家

擅丹穴如皇客之為築女懷清臺
漢興參置侯國屬荆
屬吳屬江都江都國廢復隸會稽永建中屬吳郡三國
屬吳孫權分縣之餘不鄉為永安後為侯國孫皓以侯

居焉皓後卽阼寶鼎元年以吳郡之永安餘杭臨水陽
羨丹陽之故鄣安吉原鄉於潛水悉注此乃合九縣卽
其地置吳興郡自是始爲郡治所晉析其西鄉爲長城
東鄉爲東遷梁以郡置震州乃以縣爲吳興郡

隋志烏程舊志

吳興郡

隋平陳郡廢并東遷長城復入而屬蘇州仁壽二

年復分長城立湖州大業二年州又廢唐武德四年復
置湖州自梁以來州有廢置更革縣未嘗變也宋太平
興國七年始析縣之東南十五鄉置歸安分治郡城之
東而縣之治所在州治之西一里由今準古爲縣始於
楚制名自於秦置郡由於吳治所創於晉其屬湖州則
肇於隋定於唐境界分劃則自宋太平興國以後云

歸安縣

望歸安縣米太平興國七年分烏程縣置據舊圖經載
轉運使高冕奏云古吳興郡倚郭管烏程吳興兩縣今
烏程境太廣請分置一縣從之時吳越錢氏初歸命故
以歸安爲名見舊圖經統記析烏程之東南十五鄉隸焉置縣
治於州治之東一百二十步統記云西北至州一百二
與烏程對治爲倚郭舊圖經云高冕言吳興縣倚郭不
湖州吳興人伯儀當武后時則武后時有吳興縣倚郭不
統記載南封記一卷云齊吳興縣正靈鞠撰考統記所
載撰述類首載郡官所著文集甚多恐是吳興縣令但
本傳止云烏程人統記之言必須有證則齊有吳興縣
未可知也特齊梁郡縣紛更至眾史多略之無可稽考
又續圖經云晉太康中析烏程東鄉爲東遷縣隋復併
入今縣東四十五里向以東遷名其地蓋縣治也且晉
初析烏程西鄉爲長城卽今長興縣也東鄉爲東遷卽

今東遷也長興地界在烏程之西鄉數十里則東遷縣亦當在東遷不遠今歸安縣界乃自城中與烏城縣分界對治北自後石橋南至小市巷過儀鳳橋至甘棠橋以路及谿中分為界城門外以迎春門運河之南定安門餘不谿之北為界非東遷舊界明矣

長興縣

望長興縣見唐地理志及元豐九年本烏程縣之西鄉晉城志詳見烏程縣下

太康三年始分其地以置屬吳興郡名曰長城見興地志又舊

圖經云晉平吳加領長城縣與地志又云吳夫概於吳西築城狹而長因有長城之號舊經云縣因長城取名

因其地有吳夫概城狹而長也永興元年割其北鄉為

義興郡見晉地志隋開皇九年平陳以其地併入烏程隸蘇

州隋志平陳復廢吳興郡又仁壽二年復分長城再置廢長城入烏程隸蘇州

湖州見隋地志大業三年州復廢縣仍屬蘇見隋志及通典十四年

沈法興僞置長州唐武德四年更置綏州又更名雉州

并置原鄉縣隸焉

唐志長城大業末沈法興置長州武德四年更置綏州因古綏安縣之名

又更名雉州并置原鄉縣統記云大業十四年吳興太守沈法興守江左於長城縣置長州武德四年土人張碩於長州西嚴山上立嚴州於長州置綏州以古綏安縣為名尋又改為雉州舊經曰取縣界雉山為名也

七年始省雉州及原鄉復置長城縣屬湖州又廢桃州

以安吉入焉

並見唐志統記云武德七年廢宜州原鄉縣安故鄣三縣入長興也按綏安宋分故

鄣置舊唐志云綏安唐改為廣德隋志宣州綏安縣平陳省故鄣安吉原鄉馬唐置宣州廣德本綏州七年以縣來屬則綏安未嘗并人長城也緣平陳後嘗并故鄣安吉原鄉人綏安隸宣州今則復析宣州綏安縣之原鄉安吉入長城故謂并言綏安麟德元年復析為安耳故鄣綏安實未嘗并入長城也

吉天寶元年州仍為郡乾元元年郡復州名而縣之所

隸如故吳越富梁時避梁諱乃改今名

按五代史吳越王錢鏐受梁之

王封梁太祖之父自晉太康至今廢者一隋開名誠故為之避
為州者三一屬震州梁時事見郡沿革下再屬蘇州屬湖州吳興
郡者各三焉此縣沿革廢置之大略也

武康縣

上武康縣古防風氏國汪芒氏之守也

國語汪芒氏之君守封隅之山

注封隅山在吳郡永安縣史記注汪芒氏即防風氏國今在武康又見通典

漢為烏程餘杭

之境初平中始分二邑置縣名曰永安屬吳郡

按後漢志及通

典竝云漢初平中置永安縣南史沈約傳云靈帝中平五年置祥符圖經載漢末童謠云天下當興東南三餘之閒吳大帝黃武元年乃改會稽之餘暨為永興分烏程餘不鄉合餘姚之境置永安縣餘英志以沈約博綜羣書世居武康自吳至梁歷年未遠以約之言為正舊編則援圖經之言統記亦謂吳黃武元年置今以年代攷之靈帝中平七年為獻帝之初平元年當魏黃初二年沈約雖號博綜而自敘鄉里族系多與正史差齟又

黃武為年號使其為黃武元年則漢史不當載今以漢志通典二書之言為定吳寶鼎元年始

置吳興郡以永安屬焉見吳興志而餘英志以為寶鼎二年者亦據沈約之言也晉

平吳改曰永康後又改曰武康餘英志曰晉太康三年

縣改曰永康惠帝永元九年改元永康以年隋平陳廢號同始改曰武康統記作太康三年改武康

吳興郡入併縣境入餘杭隸杭州仁壽二年復置武康

縣又割烏程分長城立湖州大業二年廢湖州縣仍屬

杭唐武德初賊李子通攻陷郡縣以武康為安州又改

曰武州四年賊平復置湖州而武康仍為武州統記載大業十

四年江元帥沈法興復於湖州置吳興郡縣又屬焉唐武德三年李子通賊攻陷郡縣以武康置安州取古

永安為義也四年七月以安吉人施世英使持節安州諸軍事安州刺史征子通未行其年八月吳王杜伏威

遣其將王雄誕平子通施世英改杭州刺史改安州為武州以武康為義也六年冬郡縣又為輔公祏所陷七

年春趙郡王李孝恭廢武州又於舊吳興郡立湖州縣
仍屬焉餘英志曰大業十三年復置吳興郡武康又屬
焉唐武德四年賊李子通攻陷郡縣以武康置安州又
改曰武州子通平唐因之七年州廢縣復隸湖州按唐
志湖州武德四年置又七年州廢復為縣隸湖州天授
是年武康仍為武州
三年析東十七鄉置武源縣統記天授二年七月百姓戴德永等上疏言武康東
界一十七鄉枕臨谿澤有舟楫之利請析置武源縣救從之梁復割隸杭州宋太平
興國四年復隸湖州竊嘗攷之縣始置於漢之初平而
武康之名由於晉自吳至今更屬於湖州杭州者凡七
而定於太平興國之四年今之邑境即天授之舊唐初
擾攘雖再立為州不數年而復為縣云

德清縣

緊德清縣

見九域志縣初日上餘見烏程縣下本武康縣之東境烏程縣

之餘不鄉也吳屬永安縣晉改永安為武康縣唐天授

二年縣民戴德永奏武康東界十七鄉枕谿澤有舟楫

之利請析置一縣以界內有武承塘遂置武源縣縣東十八

里臨大谿有武承塘東為石塘西境聯接數里里敕依所請景雲元年敕天下州

縣自天授以來改為武字者竝復舊文新置者議而改

為二年改武源為臨谿縣天寶元年改今名隸湖州天寶

六年改烏山為德清山宋因之

安吉縣

望安吉縣見九域志縣初曰上會昌四年十一月三本漢

丹陽郡故鄣縣之南境初平中張角作亂北鄉守險助

國朝廷嘉之分故鄣郡南鄉別為一縣因名之為安吉

見吳興記及統記吳寶鼎元年以隋開皇元年廢入廣
丹陽郡之安吉等九縣立吳興郡置湖州廣德縣隸
德縣隸杭州仁壽二年仍舊吳興郡置湖州廣德縣隸
焉大業二年廣德隸宣州以安吉入武康復隸杭州義
寧二年沈法興據湖州復置縣唐武德四年以廣德縣
置桃州安吉仍隸杭州七年併省入長城麟德元年復
置隸湖州以上參考吳興圖經并統記之書所載自漢中平至今廢者三
一屬丹陽二屬吳興三屬杭州兩屬湖州此縣沿革廢
置之大略也

分野

言分野者權輿於周官而紛綸於漢儒自漢以後說益
繁矣然周有九州春秋有十二諸侯漢有一百三郡國

故論分野於震澤巨區之間者於辰曰丑次曰星紀宿
曰斗牛女州曰揚國曰吳越郡曰會稽丹陽而已故舊
圖經據禹貢揚州有震澤周官職方揚州有具區爾雅
具區藪在吳越之間且援漢志云斗牛埜也續圖經第
曰次爲星紀統記第曰星屬斗牛至舊編乃悉載歷代
地志及國史志謂二浙當南斗須女之分亦未嘗辨諸
說之不同也竊考保章氏有九州分星之說鄭氏注援
緯書云牽牛流爲揚州分爲越國漢志言斗江湖牽牛
婺女又言斗爲吳會稽也晉志載星統班固言白斗十
二度至女七度費直周易說起斗十度蔡邕月令章句
起斗六度陳卓譙周等郡國宿度丹陽入斗十六會稽

入牛一又曰范蠡鬼谷子張良諸葛亮譙周京房張衡並云載大衍歷起斗九度

中斗二十四終女四得漢會稽丹陽等郡又曰斗在雲

漢開當淮海下流為吳分牛去南度河浸遠自豫章迄

會稽南踰嶺為微越分竊謂吳興在漢為烏程故鄣烏

程尉會稽故鄣屬丹陽丹陽為吳會稽為越參吳越二

境則分野在斗牛之間而眾說入宿不同者一行有言

曰古今辰次與節次相繫各據當時歷數與歲差遷徙

不同也漢太初歷冬至在牽牛初星紀斗十度賈直據此四分歷冬至在斗二十二度星紀起斗六度

蔡邕據此班固起十二度用三統歷數也唐一行歷以虛九度為元枵中故星紀起十九度又古歷係星度於

節歲至虞喜乃立歲今歷星紀入斗四度史官見周統

差法大衍歷用之度比大衍歷用本差二度而人斗宿差三度者一行星

距南斗二十六度牽牛入度須女十二度本朝崇寧中

歷官姚舜輔星距度斗二十五牛七女十一少蓋牽牛
 一行距上星舜輔距中星須女一行距第一星舜輔距
 第一星距以差五度也 在五星為熒惑在北斗為衡而
 之 占以丁巳日云 後漢志劉昭注引星經云熒惑主揚州
 以丁巳日候之丁 又云斗主衡第五星屬揚州屬揚州當
 已占吳郡會稽

吳興志卷一

吳興志卷二

宋談鑰撰

城池

湖州

羅城東西一十里南北一十四里統記云一十九里三十步折二十四里唐武德四年越郡王孝恭所築景福二年刺史李師悅重加版幹之功見舊圖經統記云有記見存紹興三十一年知州事陳之茂修有記在墨妙亭城上舊有白露舍太平興國三年奉敕同子城皆拆毀

子城統記云舊當秦時爲項王故城吳興記云郡廨署

舊有烏程縣治舊編云舊傳晉郭璞欲移郡於東遷每立標輒爲飛鳥銜去其女亦善地里啟璞無徙因舊址損益之可以永無殘破之虞璞從之其女今號遷城小娘子從璞廟食續圖經云郡置於吳而璞嘗晉惠懷之際避地東南事不相類乃於菰城云秦改縣爲烏程至晉始移治於苕霅之上烏程縣治卽古郡治又自相牴牾切詳烏程治所當秦漢閒已徙於今之郡中故吳寶鼎置郡詔謂永安故鄣等水悉注於烏程若在菰城豈得云故知在吳以前已在今處旣以縣爲郡則必卽縣治爲郡治而縣治多徙矣璞隨元帝渡江仕爲尙書郎損益古城之制相陰陽審向背庸有是理也況江南諸

郡城多傳郭璞所遷當亦有按圖而定者矣今羅城之內苕水入西門餘不水入南門至江渚匯合流爲霅水以出北門趨太湖西南諸山回環拱揖屏列於前北有卞峰以踞於後子城居中面二水之衝挹眾山之秀又四面多大谿廣澤故立郡以來無兵革之患意非璞不能定不必引飛鳥以神其事也

城門立湖州牌紹興十六年知州事王鈇以郡密拱行都壇崇基宇挾以朵觀規模宏麗乾道初火延燔靡遺知州事王時升重建頗不逮昔東門俗稱衙東門有樓曰東樓西門俗稱衙西門有樓曰西樓統記云子城上有石樓清風之類附見郡治下

子城濠分雪谿支流自兩平橋入橋之西隅有柱石存
舊可通舟楫市魚蝦菱藕者集焉譙門前覆以長石街
東門城隍廟亦有橋以便行者其他爲民居浮簷所蔽
郡歲時督廂吏濬治云

城門舊有九所放生池側有閶門

唐李詞置閶門又有樓統記載東閶門樓

云正元十五年李詞造跨河樓三間挾樓三間下有顏真卿放生池碑會昌三年張文規開拓東向一百五十

步仍建造今廢顏公放生池東南城上有遺迹尙存定安門東西各有甕門竝廢

城面各有壅塞處今爲門六內清源臨湖止有水門餘

四門水陸各一

東曰迎春門

有樓三間淳熙二年知州事趙師夔修嘉泰元

年知州事李景和重修

西曰清源門

紹興三十二年知州事陳之茂因修城創爲屋

南曰定安門

三十二年陳之茂修見修城記

北曰奉勝門

門有項王廟俗呼霸

王門舊有樓統記云寶應中刺史崔元亮改舊柵造門樓一間兩廈跨路門屋一間舊編云正元十五年誤矣
樓今東北曰臨湖門紹興三十二年陳之茂創建瓦屋西北曰迎

禧門

俗呼清塘門以上六門嘉泰元年李景和並重修

羅城壕周羅城外唐武

德四年李孝恭築城時所築

孟子曰鑿斯池也築斯城也蓋築城則必鑿壘而以

其土爲之故有城則有壕既可爲廣德四年刺史獨孤重險增守禦之備且事之相因也

問俗重開

統記云問俗所開非也豈有築城許時至是方開壘舊編云問俗重開是也

北壕

自清源門沿城至迎禧門又至奉勝門又至臨湖門自

古茗水入太湖之谿也

城內儀鳳橋下一帶漕漬晉始開

闊數十丈深

不可測實爲天險西壕自定安門至清源門南壕自迎

春門至定安門北壕自臨湖門至迎春門或假人力開

鑿然西壕受西南諸山之水平南壕受餘不眾谿之水東

濠兼受運河之水皆成谿澤而東壕又爲二重曰外壕
曰裏壕大抵諸濠之水遇春夏水生浩漾洶湧湍激迅
駛而西南二水互勝交流餘不水盛則浸淫入於苕谿
苕谿水漲亦瀾漫混於餘不而眾壕交受以入於湖尤
爲深闊極樂城在六客堂前子城上舊名挽翠亭慶元
六年知州事李景和改名極樂城殿院陳讜書額放
生池在湖州府能仁寺東周回數十畝東北距羅城有
闕門遺跡唐乾元二年詔洋州山南劍南黔中荆南嶺
南江西浙西諸道各置放生池凡八十一所明年春顏
真卿撰記大歷七年真卿來爲刺史次年秋追建碑刻
顏公祠今在池上池內皆紅蕖遇祝聖壽放生釋軍捨

鱗徹龍縱羽併就此處芙蓉池在湖州府有千葉蓮卽
楊漢公開濬蘋洲二池之一也今廢名見墨妙亭斷碑舊經言白蘋洲有
池池有千葉蓮

烏程縣

縣治卽郡國志所謂春申君置菰城縣也見舊圖經城
內又有子城見舊編重城屹然工役甚固又續圖經云
春申君始建城距今千餘歲重城屹然略不隕毀則知
當時工役之興不苟矣後徙治於今州之子城吳寶鼎
中置吳興郡禹治焉晉義熙六年徙於今所在郡治西
一里環以牆而已吳寶鼎中置郡今安吉永安等九邑
水悉注於烏程則已是今處續圖經云晉始移治苕霅

之上非也蓋移今治所耳

長興縣

晉初置縣在今富陂村距今縣治東南二十里成帝咸康元年徙苕谿北在今縣治東二里重光宮其故基也隋大業十一年又徙於吳夫概廢城距今縣治東南二里百六十步至唐武德七年始移於今處在郡治西北七十一里內有子城外有六門 東曰朝宗門 南曰長城門 西曰宜興門 東南曰迎恩門 西南曰廣德門 東北曰茹菇門

以上並見舊編

飲馬池在長興縣東南三十一里山墟名云卞山有項王走馬埒飲馬池 上池在長興縣西二十五里相傳

昔陳武帝別墅今上池村是也

武康縣

隋仁壽二年中使蘇倫徙於漢南唐廣德元年袁晁作亂浙右縣人朱泚沈皓舉亡命之徒以應之分守兩洞攻陷城壘縣郭室廬變爲灰燼二年刺史獨孤問俗使將軍辛敬順於金鵝山築城守其寇路沈皓殺洞中賊黨以降左衛兵曹參軍慶澄兼武康德清二縣令舉瓦礫伐榛莽復於谿北古城築之銅峴之水三面環繞潛爲壕塹今之縣城是也

見統記舊編

在州西南一百七里有

四門 東曰撫耘門 南曰朝恩門 西曰懷安門

北曰平遠門 右四門竝紹興中尉趙公廩勅建爲屋

六楹挾以西廂 放生池在武康縣水安潭證道寺之南

安吉縣

古來梵路屋址猶存今縣在故鄣城之南號鄣南面大谿望天目浮玉羣峰直去五十餘里左苕谿右玉磬巖縣無城郭有六門惟西北二門有名餘皆無名西曰齊雲門北曰迎恩門 邱閣池在縣北三十里周回二頃二十畝吳興記云邱閣池水灌田五十餘頃鱗羽涵泳菱荷交蔚唐聖歷元年縣令鉗耳知命修邱閣路

坊巷

州治

舊圖經統記坊十有六多名存而無表識嘉定癸未太

守宋濟既新消暑葺清風二樓名於是邦人相帥各於其

居請表坊名務稱守意鄉有名存而識不立者亦復置

焉合為五十有一坊而首尾俱見者八道為六十四處

非惟征人客子過是邦者得以知巷陌之名闐闐通衢

新題華表璀璨相望亦足為興壯觀故復編次之

和樂坊 平康坊 仁政坊 烏氏坊 程氏坊以二

釀居此在烏 荅陽坊水北日陽在 桃李坊在德政西以

程縣南街 舊圖經云城東北二里有晉車坊上四坊屬烏

界車騎坊 將軍謝玄宅在衙東門投北大街舊有德本

云天寧寺在章后坊 天寧寺今日光孝 德本坊寺在前後

本章后宅捨為寺坊 在寺之前面純 吳歛坊文選有

石橋之閒有牌坊近 白華坊以潘綜 吳歛坊越

吟以上二坊
未詳所在
右舊圖經有其名而無其識
清通坊在

城南投北遷善
坊相對無古名
德政坊在烏程縣前
茗陰坊在紹熙橋

中書坊在子城後投西直
前谿坊在城南大街投東采

蘋坊在倉橋直至白
吳興坊在歸安縣
仁依坊在城東

名古右茗陰以買安宅更名狀元有其識他比亡焉今復

立宣化坊在醴庫前街東今立二處
保寧坊在都醋

跨御永安坊在州治前大街永安樓北投東入魚行至

坊昇平坊在子城壕兩平橋東
熙春坊在州治大街

路通津坊在市街東會仙樓相
樂眾坊在市街瓦子巷

近市坊在小市巷平康坊
豐樂坊在市街太平迎恩坊

橋在市門街南紹熙
戒民坊在市門街紹熙橋相對直至

里仁坊在州治西樓街投南至竹政平坊在州治西樓街投北至

言壽昌坊在令捷橋北投西仁域坊在子城後投東至

書坊在至鴻禧寺街太和坊在駱駝橋北投西東谿坊在駱駝橋側

二處坊在駱駝橋北投西太平坊在太平橋投西至集慶坊在報恩寺

門阜安坊在城隍橋直太平坊在太平橋投西至集慶坊在報恩寺

相叢桂坊舊名仁政坊在隆興橋直至郭尚書廟華表

對流芳鍾對峙太師忠惠觀文趙公府第在焉忠惠積

咸漳乙丑少監孟圻運幹孟至機帥孟屋一榜同登先

是太師國公希澤監簿公與慈都承公與勤忠惠公與

請於郡者攝歸安令陳天慶坊在隆興橋對入天慶

阜郡學改入圖經吳家巷興賢坊在隆興橋對入

立二處種德坊在城北雄節營賢福坊在城北飛嘉

家巷相對種德坊在城北雄節營賢福坊在城北飛嘉

慶坊在城北飛嘉和裕坊在城北飛嘉集賢坊在城北飛嘉

湯家橋在城北飛嘉徐家橋在城北飛嘉盛家巷在城北飛嘉

天聖坊在城北飛嘉

北天聖朝岳坊在廣化寺橋堍投北觀文坊在城西州

側擁旌坊在城西舊名曹家巷登瀛坊在城西北塔巷

浮玉坊在鳥程縣前元善坊在開元寺相對直至餘慶

坊在洗馬富民坊在紹熙橋南貴涇坊在城小景德寺

貴涇聽履坊在城南大街大甯寺熙和坊在城南大街

巷忠賢坊在城東顏聞禮坊在城東仁壽坊在城東月

河在城東證右四十八所并前清通德政中書前谿采

蘋吳興仁依皆今重立共五十有五焉坊名鄉地久廢

官司鄉貫止以界稱今爲界十七分屬四廂南門界在

治前至兩平崇節界在隆興橋北至霸飛英界在飛英

橋接崇節界在郭尙書廟前至陶家巷接崇新界

報恩界

崇新界在郭尙書廟前至陶家巷接崇新界

駱駝橋北至子城歸安界馬軍營至能中界月花樓橋至
 東口接崇節界迎春界迎春門至八大巷接南市南市界西岸史
 迎春界迎春界迎春門至八大巷接南市南市界西岸史
 家巷接鵝行界定安門至狀元石鼎界祥符寺至魚樓
 鵝行界甘棠橋至儀鳳橋南東塊接西市街縣橋接烏程界
 烏程界本縣前至浮玉倉場界清源門至獵場濟川界
 曹公廟至駱家中書界張王廟前至廣化橋接倉又有
 巷接中書界中書界張王廟前至廣化橋接倉又有
 巷名出於俚俗或以寺觀或以名物或以姓氏第為識
 別多非馴雅循習歲久遂為通稱如魯有五父衢見左
 禮漢有華陽街章臺街葉街見劉屈楚張之類載在史
 傳故地理錄亦宜存而不廢今以舊編所錄差次附於

後

自定安門直北至儀鳳橋街史家巷 天寧巷 姚家巷 曲尺巷 仁杏木巷

廟巷 坊巷 白儀鳳橋之南垵直西至祥符寺街油車巷 高巷 宋家巷

鳳橋之北垵直西至清源門街西提子巷 社廟巷 曹

獅子巷 養濟院巷 西 自衙西門直西轉北眾路漆器

營巷 白塔巷 家巷 廟巷 紅車欄巷 大營巷

吳草巷 營巷 駱家巷 石灰巷 亭子巷 盛

家巷 自烏程縣橋直北至迎禧門路郊家巷 獵場巷 范家巷

曹家巷 以上屬烏程 以 自儀鳳橋之南垵直東至甘棠橋及橫塘

路 李家巷 廟巷 自儀鳳橋之北垵直東轉北至州

治前街 東提子巷 瓦子巷 小市巷 自衙東門轉北又

西眾街 沈家巷 姚家巷 陶家 自迎春門直西至駱

駝橋街 能仁里 縣巷 自駱駝橋之西垵轉北過斜橋

主臨湖門

打繩巷

李長馬巷

太平巷

草場

飛英巷

報平巷

以上屬

歸安

長興縣

舊編載坊九

吳槩坊

程氏坊

箬谿坊

英才坊

晝谿坊

忻湖坊

報德坊

陵陽坊

回谿坊

本

縣圖經所載十三坊

長樂

尊賢

贊善

習善

□□

宣風

勸善

歸化

儒化

崇化

延風

仁知

德化

與此不同

舊編又載巷十二皆俚俗

所稱

袁巷

蔣巷

施巷

霍巷

盛瀆巷

包巷

闕巷

韋巷

麒麟巷

陳巷

囚巷

泥巷

不

足錄云

武康縣

據舊編所載坊七一風谿坊 永安坊 千秋坊 前谿坊 徐英坊 烏回坊 砂井坊 餘英志止載其
二曰杏壇坊在懋德里桂子坊在文會里桂枝坊紹興
十三年知縣范普初建其他又率因其里名或谿井之
名也 舊編又載巷九 市東巷 市西巷 大慈巷
前谿巷 後溪巷 唐家巷 船坊巷 牆後巷 宮
前巷 俚俗所稱本不足錄

德清縣

舊編載坊七 武源坊 新門坊 前谿坊 武善坊
通高坊 儒津坊 吳山坊 又有巷八 市保巷 趙家
巷 丁家巷 坊門巷 梁 皆不足紀竊考餘不鄉有
家巷 益家巷 戴家巷

博陸里餘烏村蓋沈約自敘云爾其餘烏村縣有烏山
卽其地也所謂博陸里今不詳山所云

安吉縣

舊編載坊十二 臨茗坊 施興坊 明義坊 修業
坊 通閔坊 淩雲坊 臨期坊 顯親坊 懋遷坊
貨殖坊 修善坊 又有巷十三 園慶巷 毛家巷
鎮下巷 范家巷 後街巷 城南巷 水巷 方家
巷 金家巷 照春巷 姚尙書巷 羅漢寺巷 朱
家巷 皆俚俗所稱不足錄云

吳興志卷二

吳興志卷三

朱談錦撰

鄉里

烏程縣

唐管鄉四十里二百見顏真卿石柱記國初爲鄉三十
一見舊圖經并統記鄉三十行山豐樂仁風白鶴雪水
臨苕崇禮孝行至孝廣德永新德政龍亭澄靜靈壽震
澤太元福增萬歲保安崇孝常樂瑯琊歐亭九原三碑
順德移風稔澤樂俗太平興國中割十有五鄉置歸安
縣爲鄉十六後又併其三景德中管十三鄉見李宗諤
圖經今列於後比統記所載參歸安見管鄉無行山豐

樂臨君孝行保安歐亭順德稔澤凡八名

永新鄉管里十四

義安里 至建里 城山里 永定里 石頭里 午山里 游仙里

永新里 上榮里

吉昌里 溫泉里 建安

三碑鄉管里七

太原里 富洋里 車蓋里 城山里 飲德里 梅城里 崇仁里

澄靜鄉管里六

光化里 孝儒里 敏德里 元石里 龔仁里

九原鄉管里七

金斗里 望谿里 長源里 官廂里 太極里 白鶴里 石渚

雪水鄉管里三

敦貧里 招寶里 楚亭

靈壽鄉管里三

開化里 洞庭里 元澤

德政鄉管里三

新興里 烏山里 仁義

常樂鄉管里三

儒山里 至德里 後林

震澤鄉管里四

新城里 吳南里 馮山里 西余里

移風鄉管里六

崇化里北場里

旗亭里新仁里

崇仁里北仁里

崇孝鄉管里四

新興里南仁里

南旗亭里崇仁里

白鶴鄉管里一

昇山里

樂俗鄉管里六

禮泉里宜化里

山陽里黃興里

紫澗里黃城里

縣之鄉里見於史傳者古有烏禾鄉

古烏氏所居鄉也見縣沿革注宋

有純孝鄉

宋潘綜以死救父遂旌其里為純孝見宋書

唐有茂德鄉唐沈聘累徵不

起縣令韋承慶改其所居鄉為茂德鄉見先賢傳

今俱無之舊圖經載鄉距縣

里數如雪水鄉在縣西一十五里今縣治即係雪水澄

靜鄉在縣西南五十里今西南至鄉界不十里其鄉

分亦多有改易今不錄熙寧中管鄉十一

見王存九域志鄉比景德

無白鶴樂俗

今分震澤為上下扇為十二鄉其五十六都

雪水鄉三都副九原鄉三都副三碑鄉三都副澄靜鄉三都副

德政鄉五都副永新鄉五都副靈壽鄉四都副崇孝鄉五都副

震澤鄉上扇五都副震澤鄉下扇五都副移風鄉四都副

都常樂鄉五都副

歸安縣

縣初置時析烏程之十五鄉大中祥符閒已省其四管十一鄉四十八里後又併順德一鄉於松亭里仍舊也

今管十鄉

瑯琊鄉管里五清風里開化里含山

太原鄉管里五開元里合陽里吳興

含山鄉管里四千金里清化里

松亭鄉管里十

舊經有龍亭無松亭蓋改也元管長超

今并爲十

烏山里

安仁里

修政里

臨茗里

衡山里

長超里

太平里

仁化里

福增鄉管里五

王安里

善政里

龍華里

崇禮鄉管里五

進賢里

千金里

崇禮里

建平里

龍

長壽鄉管里二十

舊經有萬歲鄉無長壽鄉卽後所改

新城里

常平里

延年里

新興里

東林里

楊城里

馬

林里

馳塘里

千秋里

清化里

永樂里

豐樂里

龍相里

都亭里

長沙里

碧谿里

廣德鄉管里十五

能仁里

武安里

上沃里

龍泉里

安仁里

施渚

積善里

孝廉里

招德里

孝德里

卜高里

黃成里

清泉里

至孝鄉管里五里兼山里 上強里 樓仙里

長興縣

按舊圖經七十二鄉統記所載管鄉三十今所存者十有五茗陽四安鳳亭長安靈芝臨澤箬水和平青山西湖至德九龍卞山天授合谿凡十五鄉不存若澤化後邑境無增損而鄉損其半者乃并合爾管里七十五按南史陳武帝下箬里人統記載漢錢林元始中隱於平望鄉陂門里則鄉與里名其來遠矣

至德鄉管里五里舊名永昌鄉周宏讓裴子野傳宅亦名永昌鄉以地里攷之或恐未必然

日里金塘里 司寧

里卞陰里 至德里

惟新鄉管里五里顧亭里 龍松里 湖西里 太和里 塘東里

嘉會鄉管里五
吳城里 村亭里 長招里 高陽里 徐村里

荆谿鄉管里五

晏子鄉管里五

順靈鄉管里六
上萬里 太周里 湖塘里 新豐里 魚陂里 故岑里 長平里 白石里

方山鄉管里四
長安里 石靈里

謝公鄉管里四
舊名萬安鄉 會光里 新安里 義良里 建安里 新

清泉鄉管里五
西安里 景靈里 清里 泉里 臨城

平遼鄉管里六
仙巖里 常樂里 神蔡里 常安里 光天里

尙吳鄉管里四
會昌里 太義里 西明里

吉祥鄉管里五
舊名平望鄉 陂門里 漢錢林居 長安里 如源里 仙山里 金山里

白鳥鄉管里五
上善里 重光里 下箬里 陳武帝居 長安里 陸安里

嘉瑞鄉管里五

太平里 高明里 蠡塘里 荅源里 獨山里

長興鄉管里五

上箬里 成鸞里 金輪里 時邑里 金渠里

武康縣

自漢末以來境界闊遠唐天授析置武源之後尙管二十鄉開元圖經載舊管二十鄉敬讓負郭安樂武都武義太原桃源永安信義旂亭至孝城山前谿風渚封禺風山永平武昌崇仁太平據餘英志云天授二年邑人戴德永上疏言武康二十鄉其十五鄉枕臨谿澤有舟楫之利請以其地置武源縣天寶元年改爲德清而武康之境止五鄉竊攷統記云天授二年百姓戴德永等上表稱武康東界十七鄉枕臨谿澤有舟楫之利請析

置武源縣圖經所載亦止曰百姓狀稱武康東界有舟楫之利請析置縣初無二十鄉十五鄉之文也未知餘英志何所考據使天授時於二十鄉中已析去十五鄉緣何開元圖經尙載二十鄉耶統記云十七鄉恐二十鄉之外別有諸鄉未可知也今據統記德清縣管鄉十七武康縣管鄉二十則餘英志之考證近乎符合而不詳始末矣梁開平中錢氏據有并爲十三統記云武康管鄉二十梁開平四年錢氏并爲十三武都武昌旂亭永安崇仁安政義寧封禺義安至孝風清懷德太原宋朝以來又加併合大中祥符間止管五鄉曰永安曰至孝曰崇仁曰太原曰武都而里凡七十見大中祥符圖

經後又并至孝永安爲一改曰慶安今爲都鄉四管里則如祥符之舊云

崇仁鄉管里二十里相谿里嵩山里臨谿里青泉里下溫

陸海裡開化里至孝里鳳山里南畝里下陌

田里杜橋里慈德里龍山里上渚里

里昭明里上陌里

武都鄉管里一十里臨湘里主俗里臨津里靜林

里友里邑內里芝田

慶安鄉管里二十里正信里永樂里永昌里永安里清穆

旂亭里清化里文會里安樂里崇福里清

風里高梁里懷仁里溫泉里塊渠里福田

里新興里

太原鄉管里二十里永安里弟恭里芳澤里東作

赤岸里沈燧里文成里

永豐里 懷德里 永仁里 東海里 永定里 上
施里 方山里 砂荷里 鳳山里 樂成里 餘福
里 父義里
上費里

德清縣

統記管鄉十七今六鄉爲一十管舊有龍山鄉太平鄉
今有永寧鄉按餘英志云武康縣東界十五鄉有舟楫
之利請置一縣非也統記云武康東界十七鄉是矣

永和鄉管里二十 武源里 永和管 雅詞里 仁智里
樂里 滴瀾里 長壽里 吳羌里 龜迥管 金泉里 長

後谿里 孔印里 前谿里 武信里 武源管 武
德里 武功里

武谿里 武城里 千秋里 文林里 小山
千秋鄉管里五

里 樂成里 授記里 積谷里 興平里
陰宗鄉管里十 鳳山里 永全里 塘徑里 餘不

管 永忻里
六

口恩里 崇信里 餘富

金鵝鄉管里二十里 清谿里 四會里 新豐里 玉城

豐里 櫟林里 體德里 常樂里 五袴里 來蘇管

席羊里 遺墳里 安居里 兩歧里 至德里 孺山

管 新興里 陽里 高安里 永安里 旂亭里 霖林里 華谿里 清風

遵教鄉管里十五里 德化里 鞞國里 仙石里 安

亭里 龍亭里 張亭里 信義里 明德里

仁管 句城里 桂陽里 進賢里 盤芝

永寧鄉管里五里 至孝里 永和里 常樂里

安吉縣

據統記管鄉二十五有龍山鄉懷德鄉廣邑鄉孝子鄉
靈泉鄉而舊圖經云所管二十有永安鄉龍池鄉安樂
鄉茗谿鄉安上鄉尚禮鄉管里一百今為鄉十六管里

八十今有順安鄉舊圖經所無

順安鄉卽永安鄉是也管里五崑山里 引齊里 定

里

安福鄉管里五洪桃里 安壽里 紳閣里 禾太里 太和

定福鄉管里五招賢里 朱成里 實成里 永和里 安邑

魚池鄉管里五蛟仁里 永昌里 西茂里 孝和里 龍化

靈奕鄉管里五仁化里 景和里 五白里 回平里 裏榮

銅山鄉管里五桃源里 修竹里 深谷里 銅山里 臨泉

鳳亭鄉管里五沈珠里 慈政里 陶源里 永寧里 清賓

太平鄉管里五光順里 幽西里 國昌里 慶善

金石鄉管里五永安里 天目里 潼想里

梅谿鄉管里五

瑞竹里 泉永里 東午里 新豐里 溫泉

崑山鄉管里五

仙澗里 荇水里 合川里 候谿

移風鄉管里五

清泉里 白楊里 武泰里 崇仁里 嘉祥

孝豐鄉管里五

芝草里 尚仁里 曲祿里 修仁里 孝弟

天目鄉管里五

仙谿里 荇元里 安吉里 公平里 荇水

廣荇鄉管里五

荇上里 吳山里 太平里 青山里 青泉

浮玉鄉管里五

碧崑里 仁豐里 廣福里 靜豐里 靈崑

吳興志卷四

宋談鑰撰

山

烏程縣

卞山張元之吳興山墟名曰卞山峻極非清秋爽月不見其頂顧長生三吳地記按卞和於荆山采玉今山中
有似玉之石土人謂之瑤琨故以卞名之耳吳都賦曰
其琛賂則瑤琨之阜是也蓋徐陵孝義寺碑云高卞蒼
蒼遙聞天語顏真卿石柱記唐刺史韋明敫有登卞山
題法華寺詩皆作卞字續圖經曰周處作弁雖似有理
但古今詩書皆作卞不必穿鑿取新意也

毘山山海經云浮王之山北望具區東望諸毘郭璞注
云諸毘水名也統記舊經云浮玉山在安吉縣苕水發
源也言東望湮浦槎牙相毘竝注於太湖故云續圖經
云浮玉西北毘山在東北與山海經協璞殆不知此山
耳山最近城或與城相毘而得名梁吳均有同柳吳興
毘山集詩曰平湖曠復遠高木峻而危狀其景也柳惲
嘗建亭其上

衡山左傳襄公三年楚子重伐吳克鳩茲至於衡山杜
預注衡山在吳興烏程縣南山謙之吳興記曰衡山一
名橫山今俗亦呼橫山顏真卿石柱記云上有顓頊塚
春秋鳩茲城統記云吳興記云晉初衡山崩見顓頊塚

中有營正圖九首鳩茲杜注云吳邑在丹陽蕪湖縣東
今皋夷也顏公所書或恐有據

道場山昔訥和尚辭師出巡禮師曰逢道卽止訥經此
山遂留後建寺山頂有塔下有笑月亭愛山亭

何山沈括地志云何山亦曰金蓋山晉何楷居此習儒
業楷後爲吳興太守改金蓋山爲何山山口有次山曰
金口山今日何口山梁吳均有同柳吳興何山集送劉
餘杭詩顏真卿石柱記云金蓋山有何氏書堂續圖經
曰推本而言舊編云山興道場山相接最爲吳興勝遊
然道場山勝在山頂何山之勝在山下蘇東坡詩有道
場山頂何山麓之句內翰汪藻云遊道場者如入王侯

之家過何山如造高人隱士之廬

西余山在縣東十八里輿地志云漢文帝封東海王搖

之子爲顧余侯卽山後坐酎金失國

史記越王無疆滅七世至閩君搖位

諸侯平秦漢高帝以搖爲越王以奉越後世表及漢書諸侯不載顧余侯事高十二年詔曰南武侯織亦粵之世也立以山有弄雲亭樞密胡宿有記爲南海王

杼山在縣西南三十里陸羽舊記云山高三百尺周回

一千二百步昔夏后杼巡狩之所今山下有夏王邨西

北有夏駕山顏真卿杼山碑又載山墟名云舊名東張

游者忘歸號稽留山有黃檗澗黃浦橋黃浦亭何楷釣

臺避宅城招隱院草堂溫閣真卿又立三癸亭

以癸丑歲癸卯

朔癸亥日立也

三桂棚

產丹青

御史涇

觀察判官侍御史袁高嘗至此也

有謝

臨川寫真堂梁周興嗣登杼山覽古詩齊沙門寶月途
次杼山等詩

孺山在縣東三十八里三吳土地記云後漢徐孺子哭
友人冀州刺史姚元起於此時九江何子翼嘲之曰南
州孺子弔生哭死前慰林宗後傷元起山有孺子祠紹
興中郡侯撤淫祠土人按圖經爲言祠得不廢二十二
年晉陵丞唐法爲記近又得古刻於水濱

峴山在縣南二里本名顯山晉太守殷康築亭其上名
顯亭唐以廟諱改也天寶刺史韋景先創五花亭又有
李適之石樽山頂有塔

法華山在縣西北十里有寺曰法華寺刺史崔元亮張

文規盧幼平俱有詩東有石陽吳太史慈所葬太平寰
宇記謂之石斗山晉王羲之嘗來顧謂親友曰百歲之
後誰知我曾遊此

仁王山在縣西北九里舊名鳳凰山以山形似鳳也故
老相傳秦始皇以山有王氣盤其頸今通舟爲山河山
之首在南號羈山

壘山在縣東北五里山謙之吳興記云壘山有紫石英
其山東臨大谿西帶長嶺山上有亭臨望虛曠號壘山
寺

車蓋山在縣南九里輿地志云形如車蓋因名上有車
蓋亭晉太守殷康所造

白鶴山在縣西北二十六里吳興記云昔烏程西鄉人姚紆化白鶴游此因名山石精好可爲碑版江東記云員丘山石精好不謝吳興卽此也張王居白鶴山又曰二妃白鶴山人見靈濟廟下

別鮮山在縣東十三里別孤秀不相連屬因名焉唐高士沈聘沈徵君居之爾雅曰小山別大山爲鮮郭璞注云不相連也

續圖經云此山名合古義非俚俗所能爲也

西陵山在縣北二十一里吳興記云吳太子和葬烏程北山子皓卽阼追尊文皇帝陵曰明陵陵在西山西故名

吳鰲山在縣西南六十里吳興記云鰲燒田也昔有吳

氏燒山爲田因名膠玉篇力周切田不耕燒種也廣韻同

石城山在縣西南三十里山墟名云昔烏程人嚴白虎於此累石爲城與呂蒙戰至今山上有弩臺烽樓走馬塙基猶存

黃檗山在縣西南三十五里梁光祿卿江淹有詩有澗曰黃檗澗

九乳山在縣西南三十一里張元之山墟名云山有九峰狀似乳形

澤山在縣東七十五里吳興記云因震澤爲名

溫山在縣西北二十里吳興記云溫山出御芹

小雷山在縣北周處風俗記云太湖中有太雷小雷二

山相距六十里其中曰雷澤即舜所漁者也

周處記又云浙東有

餘杭縣上虞江是舜本土按韓詩外傳舜東夷之人也統記云雷澤在兗州北周處誤也蓋以震澤中有小大二雷山故俗名之舊編又云小雷山所謂洞庭東山也屬烏程大雷山所謂洞庭西山也屬長興

多美石唐白居易作奇章公記以太湖石爲第一

三山在縣東北七十二里山墟名云三山在太湖中白波四合三點黛色陸士龍贈顧彥先詩曰我家五湖陰君住三山陽

包山在縣北輿地志云卽古夫椒山也史記越王句踐棲吳王夫差於夫椒之上吳都賦云指包山而爲期集洞庭而淹留白澤山以下諸山竝在太湖中

白石山在縣統記云多出白石

葛仙山在縣南五十里晉葛洪嘗隱居此山今有鍊丹竈擣藥臼存職方圖志葛仙鍊丹之處天下十有三烏程居其一紹興中侍郎葛立方作祠爲記

菁山在縣與葛仙山相連舊傳葛洪種黃菁於此至今山多黃菁秀安僖王墓園在焉

石西南蔥翠森鬱縣延衍迤皆山也或高或下或巨或細問其名則更僕未易悉數東北近湖皆平疇土狀閒有山率特出亦各有名而其著於古書者曰毘曰衡皆突兀於水濱之一隴耳豈挺特而生者鍾秀爲多耶或景必近人則美而易彰耶物必待人而後

顯則其名之垂泯固不容無幸不幸耶夫昔之山經或五百里或三百二百里始載一山烏程一邑而見於列記者已如此未爲不幸也故烏程諸山參諸地志略著見者悉不沒其名雖未能盡勝踐庶穿謝公之屐者可爲問津之攷

歸安縣

縣境西南廣德至孝兩鄉北接烏程南接安吉界竝是岡嶺延袤林木森蔚去處其餘八鄉如含山沈長山東林山之屬皆特生於平原中今載如右舊志諸書所載亦有差誤如厥山載在烏程三山卻載在歸安蓋歸安界不近太湖今是正之

含山在縣東南一百八里張元之山墟名云震澤東望
蒼然焚輦煙蔚之中高正卓絕因以名焉山有淨慈院
其巔有浮屠

厥山在縣東南七十里吳均入東記云吳有陸厥嘗家
於此

舊經統記屬烏程舊編屬歸安

湖趺山在縣東南二十五里統記云漢蒯子訓隱於餘
不鄉卒葬烏程縣湖趺山今屬歸安

新添

沈長山在縣東南八里

施山在縣東五里

潘山在縣東六里

礪山在縣西南六十三里朱鮑昭有自礪山東望震澤

詩五韻

方山在縣西南一百一十五里統記云張元之山墟名云以其頂方故名梁典云紹泰元年十一月陳文帝爲信武將軍自長興遣二千人投京夜下方山津卽此處也山北屬長興統記載在長興縣四十里

莫干山在縣西南一百五十里餘英志云上有鑄劍池水常清澈水旱禱焉則有應劍石世傳吳王鑄劍所也按吳越春秋干將吳人吳王闔閭使造二劍一曰干將一曰鑄耶鑄耶干將之妻也今鐵工造刀劍磨以山之石淬以池之水則銛利倍常山北屬武康去武康縣治

二十五里

餘英卽武康也故載在餘英志

銅山在縣西南九十五里高三百尺括地志云吳采鄧山之銅卽此山也山西屬安吉去安吉縣治三十里統記

載在安吉舊編云山與武康安吉分野詳見二縣志

餘安山在縣東南一十五里

靈山在縣東南八十五里

獅子山在縣西南一百五里又屬武康在武康東北七里餘英志云首枕大谿岡隴盤踞如狻猊形

廉山在縣西南七十五里

頂山在縣西南七十四里

馬鞍山在縣西南七十六里

母潭山在縣西南七十七里

鳳山在縣南七十三里

侯石山在縣南六十里

東林山在縣西南五十四里突兀於菰蒲谿泊之中峰巒翳秀上有祇園寺頂有浮圖

見舊編

見山在縣南七十四里

浮玉山在縣峴山濠中俗傳其水隨山低昂旱潦如一上有叢荏菁有小亭今不存太平寰宇記防風山在歸安縣東一十八里先名封嶠山唐天寶六年敕改焉其一名風公山一名風渚山古防風氏之國風公者以其上有風公祠風渚者以其下有風渚水封山者以其禁采樵漁獵也上東南二里有嶠山禹十二代孫帝嶠所

居也吳伐越墮會稽得骨節專車使問仲尼曰禹致羣臣於會稽防風氏後至禹殺而戮之其骨專車此爲大矣客曰防風氏何守仲尼曰汪芒氏之君守封嵎山言防風治此二山也

石城山在縣西南三里漢末赤眉之亂邑人於山上累石爲城因以爲名宋書云沈道虔居縣北石山下縣令庾肅之迎出縣南鳳頭里爲立宅臨谿徵員外散騎侍郎不就山上有漢青州刺史姚恢墓

金鵝山在縣東二十里山墟名云漢海昏侯沈戎葬於此上有池深五尺其水冬夏不竭時吳帝見山上金鵝翔集或風清雨霽樵夫耕父聞山上鵝鳴

武康山在縣西十五里名銅官山唐天寶六年敕改焉
輿地志云銅官山下有兩坎深數丈方圓百丈古采銅
所

響山在縣西八里山下有水謂之響潭吳興記云有人
經響山語無多少響則隨聲曲折應之洪纖一無所失
天泉山在縣西北三十五里吳興記云山上有長流泉
謂之天泉傍多沃壤可耕殖今按有水田五畝一名唐
鎚山也

几山在縣北一十五里山墟名云几山形如几因爲名
焉亦作已山

計籌山在縣東南三十五里吳興統記云計籌山昔越

言二
大夫計然多才智籌算於此山按其地復與餘杭縣分
界謂之界頭山蓋籌頭聲相應也

三山在縣西八十三里山墟名云三山在太湖中白波
四合三點黛色

長興縣

堯市山在縣東北三十六里高五千四百尺山墟名云
堯時洪水居民於此山作市今山上有池可廣一畝統記
唐僧皎然詩曰堯市人稀紫筍多皮日休詩云門尋堯
市山卽此

夏駕山在縣東南三十六里高一千尺張元之山墟名
云帝杼南巡至此因而名之輿地志夏少康封庶子杼
於會稽兼得吳興之烏程

有杆梁吳均有登夏駕山尋朱思之詩太平寰宇記山上有石鼓高一丈下有盤石爲足諺云石鼓鳴則三吳有兵括地志云石鼓作金鼓鳴亦爲零陵郡石鼓之類吳興記云五行記並同

此記

大雷山在縣東北太湖中太平寰宇記東北七十里高一百二十丈周處風土記云

太湖中有大雷小雷二山相距六十里其間卽雷澤舜所漁處也尙書釋言云在震澤

飛雲山在縣西二十里高三百五十尺山墟名云山南有風穴故雲霧不得霽鬱於其閒宋元徽五年置飛雲寺有石泉沙渚松門苦竹巖

烏瞻山在縣北五十里高四百尺山墟名云昔有青鳥子瞻望此山曰此山可以避難養道隱者所居故名鳳亭山在縣西北五十里高一千丈山墟名云昔有鳳

棲山上多產栲櫟

白石山在縣東南三十八里山謙之吳興記云出口磬

義鄉山在縣北六十里高千二百尺晉太守周玘舉義兵平石冰陳敏等賊割長城西鄉立義鄉縣於陽羨縣置義興郡

呂山在縣東南二十里高五百尺舊名程山山墟名云吳將呂蒙築營於此山因名

吳山在縣南四十三里高六百尺山墟名云吳王送女至此梁吳均卜宅唐吳筠復居之

荆谿至吳山有吳王送女湖

青山在縣南六十里高二百尺山墟名云山有石竇通洞庭冬夏常暖山如黛色因名吳筠詩云家住青山下

時向青山上

藝香山在縣北十五里高四百五十尺一名湖陵山山墟名云西施種香之所

雉山在縣北五里高五百尺山墟名云以山形類雉梁陳故事云梁武帝時有童謠曰鳥山出天子江表以鳥名山皆鑿惟此山不鑿陳高祖此山人也上有追贈山戍山在縣西三里高四百五十尺一名夫槩山山墟名云吳夫槩於此築戍城山多產青松白茅卽梁太守張嶷與沈浚築戍以捍侯景之地

巖山在縣西五十里高二百五十尺山墟名云以巖陰爲名吳王闔閭時有白鹿見一名鹿山

方山在縣西南四十里高四千尺山墟名云以其頂方名之梁典云陳文帝爲信武將軍白長興縣遣二千人投京師夜下方山津卽此地也

四安山在縣西南八十三里高一千尺山墟名云以其山四面平廣也

俎中山在縣西北二十五里在忻湖西山墟名云菹淹藏菜也昔吳王於山中種蔬爲軍人冬食之備

赭石山在縣西北六十一里多產刺榆貢茗

懸臼山在縣西北六十里山墟名云山有懸石若臼形西墮山在縣西北六十一里山墟名云澗泉北流而西向峻狹以其鳴咽而名

五峰山在縣西一里五十步括地志云仙人姚粦所居

陳國子博士虞寄報德寺碑云四鶴齊飛五峰相映

南嶼山在縣西南一百二十里山墟名云西施種香之

所上有蘭茝畹

舊經云百六十里

銀山在縣南三十里出銀

玉井山在縣東南三十二里

天井山在縣南三十里

石樓山在縣東南二十七里

羅浮山在縣東二十五里

穿石山在縣東南三十里

金山在縣西四十里

見金澤下

顧渚山在縣見顧渚下

官山在縣顧渚之側林木深秀未嘗采伐故名有大官山小官山大官山頂有虎頭巖狀如呀嘯下有石門可往來張文規詩曰誰信隼旗吏長對虎頭巖

石城山在縣南五十里與烏程接界

見烏程志山下

梓山在縣西與戍山相連漢錢林所居

詳見郡志實貴事實下

靈山在縣西七里故相章惇葬於此

八座山在縣南四十五里唐吳珙吳頊吳崧皮光業林昇羅隱韓必何肅居此山號八友後人因名見太平寰宇記

秣谿山在縣續圖經云吳興故鄣縣東三十里有梅谿

山山根直豎一石可高百丈至青而圓如兩屋大四面
陡絕仰之於雲外無登陟之理其上復有盤石正圓如
車蓋常轉如磨聲若風雨土人號爲石磨石磨轉駛則
年豐遲則歲儉候之無失

九龍山在縣西一百二十里一名郭山一名章山張元
之山墟名云九龍山其山有九隴悉作龍形山頂有古
石城城西北角有石竇因名

石郭吳興記云石郭山在故郭南五里產楊梅貢御興
地志云石郭山昔吳采郭山銅以鑄錢卽此山

西顧山一名吳望山在縣北四十九里高一千尺張元
之山墟名云西顧山昔吳王闔閭登姑蘇望五湖望見

此山因名山括地志所載西顧乃作牢固之固未詳也

武康縣

封山家語載防風氏之守曰守封禺之山餘英志云汪芒氏守封嵎兩山之閒

禺山餘英志云按史記禹十二世帝廩立而舊圖經云帝禹居此山當是帝廩之兄弟分封此邦統記防風山東南二里曰禺山及舊編云東南二十里統記禺山又云在縣東南三十里餘英志亦云三十里

石城山舊編云山四旁出面如一餘英志云夜有神光其大如轂往來山腰倏隱倏見山巔平坦有洗馬池統記云齊沈道虔隱居於此上有漢青州刺史姚恢墓

鳳凰山邑有三一在縣北五里首枕郭林谿爲鳳咮一在縣東北十八里懷德里爲鳳翅一在縣東南十五里千佛寺側爲鳳尾

天泉山在縣西北三十五里吳興記云山有長流水謂之天泉傍多沃壤可以耕植故名

武康山在縣西十五里本名銅官山唐天寶六年敕改

今名

餘英志云六年本名武康山天寶六年改名銅官山

武康山下兩坎深數丈方圓

百丈古采銅之所

兒輿地志舊編云山下有銅官湖漢吳王與鑄錢處餘英志云山下有兩

坎號

銅井

統記載山墟名云漢海昏侯沈戎葬此山山上有池深五尺其

金鵝山在縣東二十里

水冬夏不竭吳帝見山上有金鵝翔集或風清雨霽樵夫耕父聞山上有金鵝鳴故名餘英志云山與德清交

界山枕谿流時有金鷄出
沒事又見德清縣金鷄山

金山在縣舊圖經舊編統記俱在武康縣北十五里餘
英志云在縣南三十里

耆舊相傳昔有人夜見山頂有光如盞鑿之得金數百

斤餘英志云一名金車頂其土
赤埴山巖有泉產魚有金色

銅峴山在縣西四十九里山墟名云銅峴前谿之發源

吳王采銅之所俗號銅嶺此卽安吉界又
與歸安接界

響應山在縣西八里吳興記云經此山語響隨聲應洪

纖一無所失今人稱大響小響餘英志云有龍湫在山
下木色正碧名玉石響

又名大響巖泉有小泓名小響正元中于頔改玉石響

爲碧上潭定光僧院棲巖腹中竹小池池上有濯纓亭

又有一壑軒院後緣石磴抵谷中有斷崖瀑泉二十餘

丈下有漱玉亭舊編云大響峭壁倚空有瀑布高三十

餘丈闊二十餘丈并注蒼崖乳石間雖亢旱不竭分流

入碧玉潭潭水湛碧清冽莫窮其底有龍居其中旱潦

祈禱觀應小響在大響東北百餘步石壁森然舊澗
拔下有秋方丈許名玉石響相傳與碧玉潭通湫中水
流入前谿石上有于頓題
刻葛公勝仲嘗游有長篇

嶂山在縣西二十七里山墟名云昔有嶂氏居此山

几山在縣北五里山墟名云山形如几

覆船山在縣西南二十五里古老相傳邑人數於山上

穿土得大竹竿若今之船纜或掘得敗木若船片故云

山舊爲海嘗覆舟

見統記又舊編

或云山有巨石橫互狀如覆

船

見餘英志

隋龍州刺史沈懋昔結廬讀書其中有遺趾一

名馬頭塢晉咸和七年石勒將韓雍寇吳興詔遣西中

郎將趙引攻之於馬頭塢卽此也

計峴山在縣西北二十五里山墟名云范蠡之師計然

居此因名又與烏程分界亦曰界峴

深峴山在縣西三十里山墟名云山下有水深數十丈
因名

箬峴山在縣西南三十五里山墟名云山多產箭箬俗
呼箬嶺

黃隴山在縣東北二十五里山墟名云昔黃初平得道
之所統記作皇嶺云嶺下有紫華廟舊編云今俗呼皇埽山山上有仙臺

石嶠山在縣西南七里一名七里嶠一名石頭山山墟
名云山頂有石嶠長一丈六尺闊八尺甚峻滑山下有
石嶠村

馬鞍山在縣北十二里

獅山在縣東北七里

烏回山在縣北三里山在平田閒突起一峰舊名登高

山古人登高處有遺址存

餘英志云或以羣鳥翔集名山或以山勢紆回故名

銀山在縣西五里亦曰永安山

石山在縣西北二十里齊書云沈道虔隱居於縣北石

山精廬

沈璧山在縣東北十五里山有九峰迤邐相接沈氏自

東陽居此故名

郭林山在縣北十五里晉郭文所隱也文居山時一日

有虎至張口向文文視其咽中有橫骨爲採取之後於

所居日獲一死鹿蓋虎之報見括地志

白鶴山在縣西十里地名鶴村餘英志云與青山見隋地理志爲郡山之望

青山在縣北十五里地名青山阬

獨蒼山在縣東北三十里沙邨餘英志云陰陽家有尋山惟蒼與下蒼卽此地下在郡城北此山岡來白郭南

天日山故老相傳郡城造永寧倉歲有水患雖增築不能禦有異人告主者取武康蒼山土築之吉因鑿山取土土流血而倉始基迄今無水患山色蒼赤殷然如血

仙臺山在縣東北十八里世傳黃初平鍊丹處山頂有

臺臺北有逍遙堂舊址望湖杭境具在目前

羊沒山在仙臺山之北神仙傳言黃初平嘗牧羊於此

傷山之草木叱羊化爲石俗謬爲楊梅山

招賢山在縣西北七里郭文隱居之地

獨孤山在縣凡山之東唐獨孤及嘗宰是邑作亭其上

因名

亭有故址

德清縣

吳羌山在縣東南一里吳均入東記云昔漢高士吳羌避王莽之亂隱居此山後人名焉又宋沈麟士居於此講經教授從學者數千百人時爲之語曰吳羌山中有賢士開門教授若城市

東主山在縣東北三里陳書云侯景圍臺城右軍將軍沈恪爲東主山主晝夜拒戰以功封東興侯而名之今呼爲百寮山山之東有五子石故老相傳有仙人嘗弄石於此

吳臧山一名城山在德清縣西南二百步吳均入東記

云昔吳王夫差憾越王傷父之足進軍征之於此築壘
又唐李光弼偏將軍辛攷又築城於此以平朱潭姚廷
等賊號將軍城吳越王又築於此屯戍號奉國城故今
隔谿號城南界首號奉國

洛山在縣南二十九里入東記云昔
昇此以望洛一名望洛山

下坦山在縣北八里山墟名云以其山平坦也

德清山在縣東四里一名烏山山墟名云昔有烏巾者
其家善釀美酒居此山鮑昭有高烏山詩至唐天寶六
年改爲德清山

敢三山在縣東北二十一里山墟名云敢三山者以其

三峰在敢邨南則吳丞相闕澤所居也

市亭山在縣西南二百步吳興記云市亭山王逸少爲郡欲於此立宅以其面谿背山也山出銅器大者容三十石小者容二十石名之曰礪續圖經云古者十里一亭所以寓止賓旅後入

因以名之

葛山在縣東北一十八里入東記云葛仙翁得仙之所上有葛公壇

茅山在縣東北一十五里入東記云昔三茅君隱於此

見統記

囚女山在縣東北三十五里高千丈周迴十五里入東記云後漢青州刺史姚恢與海昏侯沈戎卜居柯田山

恢女密報戎戎先居之姚氏囚女於此山三世不復養
女後人名之

金鵝山在縣西北五里後漢海昏侯沈戎葬其上嘗有
金鵝飛集此山三鳴而去其後沈氏通顯故邑人云金
鵝鳴沈氏興今山南有三邨號上初鳴中初鳴下初鳴
有梁沈麟士述祖碑見碑碣

蠡山在縣東北十五里舊傳范蠡之舊居

方山在縣西北十二里有石獅塢博士墓焉

紫金山在縣北十八里山舊名金紫郡城丁氏葬於此
山其後贈金紫光祿大夫

安吉縣

天目山老子說云欲度難及避水災天目海陵山最爲
第一蕭翊天目山銘曰於維天目信其高矣列岳霞上
標峰霧裏復有虛一賦詩云昨日雲生玉井東春來一
雨幾日風林花併逐谿流下欲上龍池湧不通山多靈
舞藤亦可作杖節似筇竹弱而有力今山閒多道流菴
宇菴種甚盛亦有田畝池塘山本產吳朮今亦種附子
遜齋閒覽云昔有人登天目山遇暑雨見雲霧皆在山
腰聞雷聲但似嬰兒聲

浮玉山海經云句餘山東五百里至浮玉山卽此山
也山又出長筵狀如猴四耳虎身牛尾音如犬吠

金石山在縣西南七十里高一萬八千尺吳興記云金

石山上石悉作金色其出蒲柳及苦竹

白楊山在縣東南二十二里高一千一百二十尺括地志云白楊山峻極干霄上有兩穴古采錫之所

五山在縣西南四十六里高三千六百尺括地志云山有五峰昔鄉民姚紵嘗於此山采樵忽見二人奕棋紵坐斧柯觀之不覺其久二人謂云汝可還去汝家今日爲汝詳矣紵所坐之斧其柯已爛及還家因入甕中隱身謂家人云可七日勿開限日未至家人開之紵化爲白鶴飛向五山吳興記云五山一名奕山

玉磬山在縣西北三里高五百尺高僧傳云釋曇諦姓康氏吳興人出家居吳虎丘山後入故鄣之崑山每夜

聞有聲尋其發聲之所掘之得磬因以爲名顏魯公作
右柱記時此磬猶存

東晉山在縣東北二里高一百二十六尺入東記云東
晉時欲於此山立城邑因以爲名

廩山在縣東二十五里高一千八十七尺江表傳云吳
長沙桓王攻劉繇之盡得邸閣糧穀貯於此山輿地志
云吳大帝於此山起倉因以爲名

邸閣山在縣東北二十五里高二百七十六尺吳志云
吳大帝遣從弟孫瓊修故鄣邸閣

蓋吳王起
邸閣於此

銅峴山在縣東三十里高一千三百尺括地志云吳采
鄣山之銅卽此山也

苦峴山在縣西六十五里高三千尺吳興記云苦峴山峻極游者苦之亦見括地志

佛子山在縣西一百二十里高六百尺吳興記云山上有石室室中有小石儼然若佛

柴山在縣西南一百二十里高七百二十尺見括地志南嶼山在縣南六十二里高三萬六千尺括地志云南嶼山一名白水山山上有湖其水色白太平寰宇記云昔西施種香之處上有蘭畹

三山在縣東南六十里

桃花山在縣西南九十五里

郭公山在縣西北一十里有郭先生祠按郭文居此山

嘗見一虎張口向文視其咽中有橫骨文乃探去之後
所居前日獲一死鹿蓋虎之報也

石柳山在縣故鄞縣北山上有石柳多生楊梅吳興風
俗記云張茂生所謂地名石柳故生楊梅也

梅谿山在縣之梅谿鎮山之秀石如門產石耳

梅谿見
顏魯公

石柱
記

鳳凰山在縣東銅山鄉橫谿南上有吳越王吳妃許夫
人墳山下有玉帶水早晚兩潮高尺許

嶺

懸腳嶺在長興縣西北七十里高三百一十尺山墟名
云以嶺腳下懸爲名多產箭竹茶茗一名芳巖若水出

焉舊編云有澗縈回八十一盤山多漆木

啄木嶺在縣北五十里高二千四百尺山墟名云其山萬木叢薄多鳥故名啄木

池子嶺在縣西北五十里高三百尺山墟名云嶺上有小池雖焦草爍石之時水不耗竭

白峴嶺在縣西北八十里山墟名云多產楮茗箭箬於霜停雪藹然不凋

臙脂嶺在縣上槩村西唐天師吳筠鍊丹之處至今土色如臙脂故名

蒼雲嶺在縣西北六十四里其山松木翳蔭狀如蒼雲故名台谿之源出於此山

餘英嶺在武康縣西十五里岑嶺之西世傳梁沈氏族居之地後有五峰聳峻如屏俗謠爲夷羊嶺

大壯嶺在德清縣西北九里

以上見舊編

純孝嶺在安吉縣梅谿唐末黃巢之亂邑人石昂藏母於此昂性純孝因以得名

岡

牧馬岡在長興縣西南四十里入東記云吳王牧馬之所

三鵝岡在縣西南六十五里有晉謝安墓岡中有斷處梁朝有童謠烏山出天子故鑿焉

峴

箬峴在長興縣西北三十二里高二千九百尺山墟名云多產箭箬

佛子峴在縣西六十五里高二千一百尺山墟名云昔傳其上嘗有白光人謂有金寶掘之得石佛子長數寸因以名焉

龍目峴在縣西一百里高五尺山墟名云峴上石巖間有二目光彩照人謂之龍目

峽

明月峽在長興縣顧渚側二山相對壁立峻峭大澗中流巨石飛走斷崖亂石之間茶茗叢生最爲絕品張文規詩曰明月峽中茶已生石上多唐人刻字顏真卿所

書但存髣髴

洞陽

黃龍洞在烏程縣卞山石壁峭立巖竇陰沈莫窮其底
旁有龍王祠祥應宮郡有水旱禱焉知州事蘇軾有刻
古浮石洞在安吉縣西南五十里紹興初有僧智光洗
巖得龍牙龍骨結菴於此名曰不朽又名其洞曰龍牙
煙霞陽在武康縣東北地名石脇又謂之丁墓壚撞字去聲
山山下多梅縣五十餘里故邑人有云碧玉潭中千尺
水煙霞陽裏萬株梅見舊編又云陽有大石如龜號龜巖有瀑布餘英志云劉穎士別墅
龜巖上有亭曰藏春瀑布有橋亭名挂雲潭熙中知縣程九萬屢游有留題

吳興志卷四